

## L'homme de sel et la mécontente de ses épouses

Abaalú naáru wɔɔjɔɔná. Tɔɔ, abaalú umú ná, wɔɔjɔɔ, wɔɔjɔɔ ná, igéé ḍɔ̄m ge. Ðóm leleeḍɔ̄ bán̄ḍúu bi ḍóózi ná. Igéé ḍɔ̄m ge. Aayí, waagurú si ikpóó aláa ná ge wɔɔgbóó Kelimbíre, wɔɔgbóó Agbezeyí. Iḡeelunáa nbulé. Kelimbíre na Agbezeyí .

Tɔɔ, mégéé faḍú ge pááá. Amá, a máágánára tééwu tánnu ma. A mángavarím ge míúná tééwu weegébírí, iyáa ma. Isi tɔɔ, bulá kazóó. Aayí, wíre kuna ná igolóo, ilóo, ilóo. Budásti ná tééwu weegébírí. Aayí, nyóó ge kúbóní tánýáa ḍájaa ná ḍinú. Agbezeyí wɔɔgbóó : Peéé, peéé, peéé, abaalú takánu. Nge Kelimbíre waagba isóódaá, nge ḍugbedí ḍikpóó.

*Kɔkɔ ɣmíle kɔni yoo kɔni kɔni yoo*

*Kɔkɔ ɣmíle kɔni yoo kɔni kɔni yoo*

*Kíbiri kídánnu kɔni yoo kɔni kɔni yoo*

*Kíbiri kíni kɔni yoo kɔni kɔni yoo*

*Akití kítí igáyáná mɔɔ*

*Igáyáná mɔɔ igáyáná mɔɔɔ .*

Nge ulé wagágurú kpata-kpata-kpata-kpata igabamáa. Aayí, weegbedí si wándalú ná, tééwu nbulé. Úu, ḍɔ̄r̄s weegbedí ikágurú, héyi: náa ge Agbezeyí isi móó máágáyáná nya. Nge abaalú sisi: óo, mányi isi móóóó mí sisi a tééwu, nyóó kelimbíre nyóóóona ku ḍabaram, ńgbédí ńbó ńýáa ma ya.

Ulé isi móó mááyááná nya. Nge Agbezeyi sisi bubóti ge, móó mááyááná nya. Beegbedí balízi Kelimbíre teevekú b̄okpóó balá ḍóózi. Aayí, kiivé abaalú waabísi. Kelimbíre waajáari ḍidi bulé wɔɔgbóó si iyáa, waawí.

Kelimbíre waajáari ḍidi bulé. Ulé waagba ulé iyáa tééwu weegébírí ḍuḍɔ̄ ná. Abaalú wɔɔgbóó bulé ikóni itála. Waadála ná isi aáyaaná ma. Mánýaa ku! Weení si iyaaaná. Ulé weedéézi Kelimbíre f̄ɔ̄lú. Ówu, buga kelimbíre f̄ɔ̄lú kúḡumúu. Abaalú waadábisi. Wé náádoozo wíre tééwu weedékebirí. Wɔɔgbóó, wɔɔgbóó isi kurú nbó nýáa, isi mádánbuzi mayáa. Nhíní ge mánlám na magba. Nge weezelí yi ikpáazi, nge ulé waadátúlú unóó-daá:

*Kɔkɔ ɣmíle kɔni yoo kɔni kɔni yoo*

*Kɔkɔ ɣmíle kɔni yoo kɔni kɔni yoo*

*Kíbiri kídání kɔni yoo kɔni kɔni yoo*

*Kíbiri kíni kɔni yoo kɔni kɔni yoo*

*Akití kítí igáyáná mɔɔ*

*Igáyáná mɔɔ igáyáná mɔɔɔ .*

Aayí, waadákágurú kpé-kpé-kpé-kpé. Waadála ná isi aáyaaná ma. Mánáábílé aá si ikuná iyáa nya, mánáábílé. Abaalú isi sinje ḍánbá ḍuku yi ge bika ḍtbaná feezí. Nge weezelí Kelimbíre itéézi kúu. Kelimbíre weedé.

Aayí, kiivé ná wɔɔgbóó ibísi; náa-ńna-ńna tééwu weegébírí.

Waagurú iyáa, nge wɔɔgbɔɔ peéé, peéé, peéé, waawí. Aayí, ulé wɔɔgóni ikúsi kujúú, nge ulé waana tééwu weegébírí.

Biyáásí ge siñje médéńba bana badayáa ma, aayí, nge ulé waagágúrú. Tééwu wánágágúrú kpi-kpi-kpi bika igabamáa, igabamáa, igabamáa. Aayí, weegbedí itála si wánzuunáa sósówú nɔ́ ńńináa d́d́ ná, ńna ge tééwu wɔɔmɔɔná yi icáñ ilóo sósówú nɔ́ icáñ unére.

Biiyéle ge a Kelimbíre waagurú, dɔzɔ́ seemáana sósówú. Dínýaazí isi asée máájáa mabá mana mawaaló mána yi dɔfúú d́d́d́m.

*La kazóo nzú nyébiya.*